

廣德州志

卷四十三之卷四十五



廣德州志卷四十三

列女志 完節 義烈 貞孝 賢媛

范蔚宗曰高士宏清淳之風貞女亮明白之節徽美未殊而世典咸漏故綜其成事為列女篇維時表閭則有桓嫠龐母圖形則有禮宗立碑則有曹娥叔先雄懿哉端操有蹤並昭彤管矣夫孤岑勁栢無意求知幽谷貞蕤有心共賞恭遇

聖朝褒嘉節孝建坊立祠與忠義等且令載入志書以垂不朽所以闡微隱而維風教者實曠古所未有桐本大

廣德州志 卷四十三 完節

一

邦沐浴

雅化以節烈貞孝上者歲計十數人膺

旌表者居半其中或誓堅之死或義不苟生或處室完貞

徹環盡孝爰自元明以來區明風烈約舉闡儀復為旁

搜賢淑分著於後用備女德焉

完節 一

晉

杜義妻裴氏 通志 年二十夫亡家貧 萬曆志云 事姑愈謹終

身不嫁有司以事聞武帝旌表其門 南畿志

織紵為業

按晉書列女傳無其人惟后妃外戚二傳載成恭皇后父杜乂京兆人鎮南將軍預之孫襲封當陽侯爲丹陽丞早卒無男生后而又終妻裴氏嫠居養后以禮自防甚有德音咸康初追贈乂金紫光祿大夫封裴氏高安鄉君孝武帝甯康二年進封廣德縣君裴氏名穆長水校尉綽孫太傅主簿遐女太尉王夷甫外孫遐隨東海王越遇害無子惟穆渡江遂享榮慶立第南掖門外世謂杜姥宅此則杜乂妻裴氏之明文也又籍京兆裴籍河東

見世說新語注引晉諸公贊

南渡後遷

廣德州志

卷四十三

完節

二

徙無常裴由高安進封廣德或當時僑居廣德未可知也但兩家俱無子杜姥宅又在建康不爲廣德人舊志因裴氏有廣德之封遂指爲縣人改乂爲義改孝武爲武帝傳會己甚因沿襲日久不欲輒爲刪改仍之而附考正於此

明

陳善慶妻蔡氏年二十一夫亡守節事姑終身不改洪武

十三年旌

南畿志明
一統志

潘奕三妻應氏建平人早寡姑諭之曰寤且無子何恃而

守耶應泣曰曾謂有兒而守無兒而嫁乎富而守貧而嫁乎志操如一詔旌其閭通志案氏未詳旌年據楊志載在永樂所旌之前故列此

曹通志楊門志均作葛今從南畿志萬厯志丑兒妻呂氏年二十一案楊志脫一字通志

因之誤夫亡姑憐其少欲嫁之呂以死自誓至老不易永

樂二十一年旌南畿志明一統志

曹丑妻田氏舊立坊在州治東今廢萬厯志

案舊志列女傳俱不載田氏萬厯志于坊牌類有云

節婦坊在州治東為曹丑妻田氏立今廢楊門諸志

廣德州志

卷四十三

完節

三

並同再查今節孝祠有牌上書明詔旌節孝曹丑妻田氏則志之遺漏明矣詳舊志失載之故或因前有曹丑兒妻疑為重出不知曹丑兒與曹丑一係單名一係二名呂與田又判然兩姓安得一載一刪考田氏坊萬厯修志時已廢則其旌當與曹呂氏先後而祠牌立於雍正五年有司春秋致祭李志修於乾隆初而竟不一檢閱相沿脫漏殊可異也今急補之

俞國良妻田氏年二十四夫亡終身守節事聞旌表南畿志明

一統志宏治十六年知州范昌齡為立坊表之萬厯志案原作范

昌齡以各門廢墜立坊表之楊李等志改爲
俞門俱不可解今刪之後做此者不復注

案南畿志載本州列女止裴蔡呂田四氏**明一統志**

列女止載蔡呂田三氏**通志**惟呂有事實裴蔡田止

載旌年後凡有名無事者俱注氏下

雲騰妻陳氏嘉靖十三年建坊旌表李志**案萬曆志**不

做此者
不復注

裴恩一妻張氏建平人通志年十八夫亡甘貧自守至七十

三歲嘉靖四十五年旌楊志

夏商八妻戴氏建平人通志作廣德人二十歲夫亡家貧無子苦

廣德州志

卷四十三

完節

四

節以終隆慶三年旌楊志

生員王應貞妻沈氏建平人通志**宣城**御史寵之女溫恭儉

素足不踰閨夫病疽氏吮之不痊卒氏年二十四無子

家貧或勸之嫁引刀自誓父與弟懋學俱宦達氏絕意

歸甯紡績奉姑姑病供藥食惟謹萬曆二十三年建坊

旌表日久坊圯乾隆十七年呈請奉主人祠李志建平存

梁允乾妻呂氏建平人通志作廣德人年十八歸允乾甫一載夫

病氏籲天刲股不救撫遺腹子獨居壺內卽至戚亦不

得見萬曆二十三年旌李志

張近妻劉氏志通年二十一夫亡子幼姑老卧伴夫柩躬勤

紡績養親撫孤按院劉日梧題請旌獎畧云劉氏性堅

從一志矢靡他送往事居全孝立節芳名懿行皎日秋

霜萬曆二十八年建坊於北門楊志案萬曆志有名

文而誤為
敕今正之

生員李熙美妻夏氏志通禮部司務夏思女十九夫亡守節

五十餘年崇禎中建坊旌表楊志

濮陽景彥妻許氏志通十九于歸四載夫亡一子甫二齡氏

上事姑嫜下撫遺孤扶持鞠育不辭癯瘁巡撫張劉具

廣德州志

卷四十三

完節

五

題旌表壽八十三楊門志

陳槐妻劉氏志通年二十一夫逝姑老家貧一子方在襁褓

氏誓死靡他紡紝事親竭忱孝養撫子成立九十三卒

知州何鳳起詳請旌表楊志

以上自晉迄明奉朝旌者十四人本州九人
建平五人

趙輔仁妻曹氏年十九夫亡一子甫懷抱母家勸其再嫁

氏剪髮毀形苦志守節始終不變萬曆壬午巡按蔡獎

之李志

濮陽桴妻潘氏通志作建平人潘鏞女年十八適桴夫病瘵割股

以療一年桴卒人或以無子爲言氏以死謝孝事翁姑
慈撫繼子居常扃門侍一嫗婦終日相對寂如也鄉族
白於州州申撫按獎表其閭萬曆志

生員蔡兆元妻管氏通志名玉姝生員世康女年二十四兆

元沒守節三十年卒按院劉加獎異焉萬曆志

生員吳渭妻濮陽氏事姑盡孝夫病瘵五割股卒不救時

年二十四繪夫像朝夕饋奠有奪其志者氏引七針刺

面血流仆地當道聞其事歲給米帛周之李志

生員姚一偉妻王氏建平人楊志夫早逝生子召南甫二月

廣德州志

卷四十三 完節

六

嚙指自誓不更醮延師教子成立儒學蕭廬曰昭我彤

管門志

韋大和妻岑氏建平人通志年十六適大和歲餘夫卒子士

元方產百日氏勵志甘守誓死無他姑壽至九旬奉養

盡道課子入泮當道獎之楊志

史大臨妻嚴氏建平人通志年二十一夫卒撫兩孤苦

節以終郡邑獎表其閭楊志

宗光業妻咎氏建平人通志光業亡守節不變年八十餘課

兒及孫縣令獎之門志

生員任之傑妻岑氏建平人志楊夫卒以死自誓姑疾刲股

和藥以進天啟丙寅縣令謝獎曰節邁栢舟子九鼎庠

生門志

史光祖妻呂氏建平人

通志作
廣德人

光祖卒毀膏沐屏色笑置

柩卧室每食獻如生禮舅卧病積年備極孝養志通崇禎

庚辰督學金蘭獎之

志楊

生員宗有道妻呂氏建平人

志楊

有道三十二卒氏奉翁姑

撫二子曲盡心力家素裕而衣食悉取粗糲躬紡織自

課其子治家內外肅然六十年如一日事其母亦盡孝

廣德州志

卷四十三

完節

七

四時伏臘修禮如子母死哭幾殞縣令獎之

志李

王結四妻宗氏建平人

志楊

翁早世姑方氏以苦節著遺腹

生結四家徒壁立瓶無餘粟方茹苦撫孤數年而歿及

結四長娶妻宗三載甫育子結四又亡宗年方十九有

憐其少勸之再嫁者宗泣曰我姑懷孕守志矧我既抱

子能不志姑之志乎以死自誓勤績紵以給衣食歷四

十餘年貞操如一姑媳完節邑宰給匾其門

志李

宗賓臣妻周氏建平人

志楊

生子方數歲賓臣故氏年二十

六誓不以存亡易心家蹇落有勸之嫁者泣曰吾自結

縊之日已決爲宗氏鬼矣將安之績緯食貧白首如一

知州事閔公表其廬

李志

宗明標妻凌氏建平人

楊志

年二十三明標故一子方乳哺

家貧無依矢志靡他閉戶紡績以撫孤兒縣尹獎之

李志

宗騰南妻邵氏建平人

楊志

夫卒氏年十六父母欲奪其志

氏哀毀自誓謂未亡人得廟食於宗氏足矣撫姪爲嗣

足不踰閭鄰有讌會皆謝絕不與終身縞素不御絺繡

縣尹獎表其閭

李志

王鏊妻岑氏國儒妻呂氏姑媳也建平人皆苦節終身縣

廣德州志

卷四十三

完節

八

令獎以雙節

李志

以上前明奉當道獎者十七人

本州五人建平十二人

生員濮陽信妻夏氏

通志

年二十三夫亡遺孤甫一月家貧

姑老以節終

萬曆志

王壽齡妻毛氏

巫必禎妻濮陽氏

張萬善妻陳氏

葛珠妻胡氏

以上四人萬曆楊門諸志皆失載事實

濮陽科妻李氏茹荼砥節苦行著聞

李志

駱世諫妻錢氏年二十五夫故守節五十四年志李

駱世選妻宗氏年二十八夫故守節四十七年志李

駱世武妻鄭氏年二十九夫故守節三十六年志李

濮陽紹炳妻湯氏年二十七夫亡勵志守節父母欲奪之氏持斧斷鬪曰吾誓死濮陽氏家決不出此門始終不

變年七十八卒志李

耿昌昂妻董氏年十八夫亡哀慟立繼承祧事舅姑生養死葬盡禮設夫位於中堂飲食必進四十餘年如一日

年六十三卒志李

廣德州志

卷四十三

完節

九

生員李道隆妻吳氏年三十夫亡家貧矢志事姑撫幼操

作成家年九十卒志李

蔣邦伏妻鮑氏志李

巫怯妻盧氏年二十一夫病亟與氏訣曰守節固好但家貧無子勢必不能我死可即嫁泣曰家貧可治紡績無子可以依姪但知一夫一婦決無嫁理夫死撫姪爲嗣

終身守節志李

宋欽行妻王氏年十八夫亡栢舟矢志義方訓子守節七

十四年壽九十三卒志李

以上本州人

王心妻潘氏建平人

通志作
廣德人

夫丁年卽世矢志不更遺腹

生子一龍姑宗氏卧病兩晷侍養不怠及卒喪葬盡禮

楊志

史華一妻徐氏志悅妻李氏華一病篤徐年十九割臂救

夫祈神請代既寡誓不再適撫子成立年五十六卒志

悅其孫也早世無嗣李父母欲其女嫁剪髮自誓終身

完節

楊志

方志美妻姚氏弟志揚妻王氏志揚死遺一子王年二十

一誓不再嫁越二年志美復死無子姚因泣謂王曰方

廣德州志

卷四十三

完節

十

門兄弟惟此一孤吾與若死生共倚之忍爾獨守乎同

紡織以課其子

楊志

姚冕七妻陳氏婢某氏

通志

陳十九而孀子在抱撫之成立

婢亦感而不嫁年八十終

門志

案是婢之不嫁較勝北宮之女但其守貞爲陳終亦

爲姚也縣志門李志但云其婢失其本志矣通志大

書之極是今從之

王鑿妻丁氏

通志

鑿業儒早卒氏年少家貧其父母迫令改

醮嚙臂自誓遺腹生子國義萬厯歲饑食榆皮糠粒撫

孤成立年八旬卒

楊志

姚奎宗妻王氏應庚妻貢氏王少失所天荼苦自勵教子成立應庚其第三子也早卒無嗣貢即撫其姪節操一

如其姑云

楊志

石可貽妻王氏

通志

可貽亡兩孤皆幼暑鋤冰織指血淋漓

艱苦教子娶媳延祧以壽終

楊志

生員李茂繼妻吳氏夫卒年二十八勵志守節茂夙以孝行著氏以節終人並稱之

李志

溧陽婦者不知其姓氏萬厯庚辰江南大饑次春疫作婦

廣德州志

卷四十三

完節

十一

襁其子與夫轉徙丐食棲止張公廟夫疾值經旬雨雪無所乞食夫死婦抱兒日夜號泣居人憐之呼與俱去婦不顧哭益哀或遺以饘粥謝曰天之不存生復何爲拒不食翌日過之則婦伏夫尸死兒含乳死母腹下人

咸義之合葬於廟側

李志

監生史志尹妻宗氏志尹早卒守節六十餘年

李志互見賢媛

郝希彩妻周氏希彩生而背父母施鞠之弱冠而卒周年二十二子方五歲姑媳孀居撫孤成立艱苦備嘗姑卒祭葬成禮有勢家慕其賢强委禽焉氏剪髮自誓乃已

李志

胡梁妻任氏性幽貞不喜華服事翁姑惟謹相夫子惟勤
年二十三夫故子方弱齡茹苦守節年七十卒李志

蔣宗氏生員仲佳之母年二十七夫亡仲佳甫三歲母家
強之歸欲奪其志氏知之誓不歸甯撫教其孤有聲庠

序李志

方邦贊妻夏氏楊志在室時父奕有疾割股和藥以進得瘳

適方生四子室如懸磬晝夜紡績課子讀書邦贊病亦
刲股療之孀居三十年稱完節焉李志

廣德州志

卷四十三

完節

十二

方志道妻郭氏楊志年二十六志道故無立錐之地又無兄

弟可依遺五子長者僅十齡耳族人勸之嫁郭泣曰生
子而使失所是負夫也遂剪髮自誓蓬頭垢面紡績易
粟以哺兒五子既長家聲丕振八旬而卒李志

岑允昌妻宗氏嫁甫及期而允昌卒時子玉一方妊氏守
節不渝撫孤成家壽六十七李志

盛心七妻袁氏楊志苦茹操家克諧內則心七早卒三子皆
幼氏辛勤提挈歲荒機織自給撫三子皆成立李志

俞顯宸妻呂氏

夏繼韜妻戴氏

岑國楚妻王氏以上三人楊李志俱未載事實

王應駿妻史氏通志年二十六應駿卒遺腹產子之泮撫之

成立備極荼苦壽八十八李志

徐仕孝妻傅氏年二十七仕孝卒遺孤三氏茹荼飲冰撫

之成立七十五卒李志以上建平人

右前明未奉旌獎并無年分者四十一人本州十四人建平二十七人

附

案婦人守節而未奉旌者舊志所載概不紀年今據

廣德州志

卷四十三 完節

十三

各姓家譜增補前明之人更無從挨年編次故附列於後

丁伯霖妻王氏子甫孩提而伯霖歿勤績紅躬井臼撫教

幼孤成立其子德以孝行聞厥後有丁鏢妻趙氏丁孟

僑妻葉氏丁太妻沈氏丁繼泰妻胡氏丁復名妻范氏

皆以節著均正統以後人丁氏譜下同

葛相妻張氏年二十九夫故有子甫十月姑性嚴姒復譖

之常被捶撻伯祖姑調護之氏絕無怨尤後姑亦感悟

冬夏不廢機杼卒能全孤存祀年七十四卒與王氏皆

正德間人

葛珽妻王氏年十九夫故無子矢志堅守七十年如一日
葛遇春妻許氏年二十四夫故家貧二子俱幼紡績撫育
婚娶生孫以苦節終嘉靖間人

張珂繼妻沈氏婢阿女年二十四珂沒舅姑早世伯瓚遠
宦閩中遺孤俱幼氏隻身持門戶祇婢阿女相隨紡紉
練裳椎髻撫教其子長大禮縣丞次大樂庠生八監家
產本薄後拓至三百餘畝其子欲上其事於州氏叱曰
此我分也豈以是求榮哉年六十六卒婢感氏意亦終

廣德州志

卷四十三

完節

十四

身不嫁嘉靖間人

張氏
譜

章鎧妻盧氏年十八夫故一子在襁褓而身更有娠家業
因夫病費盡氏晝春夜織撫立二孤與蔡氏二妾皆嘉

靖間人

章氏
譜

參將蔡汝蘭妾項氏張氏汝蘭故項年二十六張年二十
七張有子凱元甫八歲項無子共撫之躬親織紉凱元

既長克纘父業

蔡氏
譜

韋顯韜之母宋氏年二十而寡有遺腹或勸改嫁氏以死
自誓己而生顯韜冰操愈勵人咸敬之厥後有韋銓妻

王氏韋尙威妻管氏韋魯直妻陳氏韋瑞元妻濮陽氏亦以完節著俱正嘉以後人

韋氏譜

陳夕妻王氏名膺子嘉愛繼妻胡氏王年二十夕亡勺水不入口數日時嘉愛尙在襁褓舅姑以撫孤勉之乃強進食守節數十年當事匾表之嘉愛之死也胡亦年少子幼孀姑又病篤胡刲股以療姑尋卒夫弟逼令他適密約娶家多其僕從強之登輿有掣其手者氏給曰我檢拾衣履從汝行何用逞威乃釋其手氏卽覓刀自刲去臂肉擲地哭曰惡奴敢污吾手血浹襟袖眾驚走夫

廣德州志

卷四十三

完節

十五

弟畏禍鳴於官獎曰節操冰霜又陳畀妻楊氏名應淑年二十七喪夫一女未睟撫姪爲嗣俱嘉隆間人

陳氏譜

周曰庠妻許氏生員凝楚女年二十四而嫠端莊嚴厲族黨敬畏之守節五十七年子輅早夭無後周日達妻楊氏年十九達亡勤儉持家守節五十餘年俱萬曆間人

周氏譜

王福妻邛氏年二十夫故撫孤成立教以力行善事萬曆間州守段以栢舟永誓獎之年八旬餘卒給事李天植爲傳方洪武間其先世名巨海者年十八而亡妻徐氏

遺腹生子教育之勵節終身福卽其裔也

王氏譜

葛嘉春妻韋氏年二十八夫故無子氏服粗茹苦舅姑性

嚴事之惟謹萬厯間人

葛氏譜

周湘妻駱氏年近三十無子夫病刲股以進及歿有欲奪

其志者氏以死自誓姑老病紡織以養萬厯間人

駱氏譜

管夢雲妻韋氏年十九夢雲故家貧二子俱幼眾謀奪其

志氏誓死堅守撫孤成立萬厯間人先是有管煜妻梅

氏亦十九歲寡撫育二孤有成又管雄妻朱氏管岳妻

陳氏管珣妻鄭氏管元幅妻鄭氏管元光妻蔣氏管進

廣德州志

卷四十三

完節

十六

妻邱氏更有管女嫁爲許四妻者皆青年矢志白首完

貞故連及焉

管氏譜

楊伯妻陳氏年十九夫故堅守萬厯間州守何以霜筠媿

潔獎之卒年八十六後故禎間有楊相四妻王氏楊一

經妻阮氏皆以完節著

楊氏譜

王允昇妻周氏年二十夫故二孤俱幼矢志堅守教子成

立崇禎時人

王氏譜

以上新增俱本州人

